

MEJE PO CARTE PABLO TATINA, FILEMON TATINATSI

Meje poxonaē Pablo tamropata pitaba xua tatina, Filemón tatinatsi

¹Xan Pablon, ponxaein jiwi pecūbi botha taneetsin xua tanatsipei cueicueijeixae Cristo Jesús yabara. Irū Timoteo, pon irū pejume cowūntsin Jesús, baponbe panbe barapo carte pacata tinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi. ²Irū pata tinanbe pomonaetha pomonaē pejume cowūntsiwi Jesús pomonaē jinya botha nacaetuteiba. Irū barapo carte yabūyo nexa powa pewūn Apia, powa be wamcho watsicotaewa pejume cowūntsixaerū Jesús. Irū barapo carte pebin nexa pon pewūn Arquipo, pon daunweya pana nebarū nacuīta xua poxonaē pata cueicueijeīwa Nacom Pejume Diwesi. ³Barabū Nacom Waxa irū Jesucristo pon jiwi Pecanamataxeinaein paca yawenaena pia paca necaantobexae, xuano xua jūntema jinompa paca exanaena.

Meje yabara xua Filemón Cristo antobetsi xuano xua jume cowūntano

⁴Poxonaē Nacomtha tsipaebeiban cayabara nanta xeineibatsi jan tsaibin: “Axa, Nacom cawūnaē jaintatsi tsipei Filemón nejūntū coyene weiweina exana”, jan tsaibin. ⁵Daxota baxua caunuteiban, yaitama jume tan xua pinaē jume cowūntame Jesús pon jiwi Pecanamataxeinaein. Mataūtano jume tan xua pinaē antobem Jesús xua irūno pinaē antobem daxita pomonaē pejume cowūntsiwi. ⁶Nacomtha tawūcan xua pomonaē Jesús pejume cowūntsiwi xua barapomonaē taena xua waxainchi be nacaemonaetsi wajume cowūntsixae. Mataūtano Nacomtha tawūcan xua barapomonaē xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowūntsixae Cristo Jesús. ⁷Taneantobemxae nejūntū coyene tsacarabame yawa nejūntū coyene weiweina exaname xua xaniwaicha jūntema tapoponaewa tsane. Xam ponxae be tayapin canatsicotainchi

irũ nejúme cowũntsixae Jesús. Beta nepoponaexae daxota beta jinompa daxita pomonae pejume cowũntsiwi Cristo Jesús.

**Meje xua Pablo Filemón wucatsi xua Onésimo tawucatsi,
pon Filemón pia pebusi cui taetaeinchi**

⁸⁻⁹Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecũbi botha neeta tanatsipei cueicueijeixae Cristo Jesús yabara. ¹⁰Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijeí Jesús yabara poxonae cataunxuae xote ecanje jiwi pecũbi botha. Bapon bayatha nexainya weya nametaba, pon bayatha amanaya necata nacuichin.

¹¹Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowũntsixaetsi. ¹²Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein. ¹³Xan ichichipan xua bapon taxantha eca xua barapon tana neyawenaenexa po penacuichiwa inta exaname xua irũ poxonae cataunxuae jiwi pecũbi botha neeta tanatsipei cueicueijeixae Jesucristo pejume diwesi. ¹⁴Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. ¹⁵Metha bayatha Onésimo nametaba nexainya werena saya be caetotha nexa xua anoxuae bara tsitecaeya nebarũ poponaenexa tsane. ¹⁶Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cowũntsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema irũ pejume cowũntsixae Jesucristo, pon jiwi Pecanamataxeinaein.

¹⁷Jinya eweicho tana necana exanaemxaem irũ tajume cowũntsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame. ¹⁸Icha bapon cata abe exana, icha ichauyo cantoma amanayaba moya newũcare xua barapo matoma tacacatsinexatsi. ¹⁹Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa cawũcaetsi pentoma po matoma

xua tanematoma amanayabiwam xua bayatha tacayawenaexaetsi xua nejume cowuntsiwa Jesús. ²⁰Bara barichinde, be pon taeweicho tacanatsicotaeinchi nejume cowuntsixaeru Cristo. Inta exande xua caitorobatsi Jesús, pon jiwí Pecanamataxeinaein, pia pejume cowuntsiwi pia pejuntu cui coyeneya. Nejuntu coyene tsacarabare xua juntea xaniwaicha tapoponaewa tsane.

²¹Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. ²²Bapoxonae inta bo tutu netsiwunaere. Tsipei bexa tsane paca taeyopiyaecinchi xua bayatha Nacom painya newucaexae xua tapaca taeyopiyaewatsi tsainchi.

Meje yabara xua ichamonae Filemón jacobatsi

²³Epafras cajacoba pon iru xota eque jiwí pecubi botha penatsipei cueicueijeixae Cristo Jesús yabara. ²⁴Matautano iru Marcos, iruno Aristarco, iruno Demas, iruno Lucas, daxita barapomonae matabuxuyo neyawena xua tacueicueijejwa Jesucristo yabara.

²⁵Barabu Jesucristo pon jiwí Pecanamataxeinaein, paca yawenaena daxita paxam pia paca necaantobexae.

Baja Pablo.